



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Pars Prima, De viis per quas acquiritur Jurisdictio.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Officii partes per Regulas particulares. Sunt etiam aliquot, quibus magna subjicitur copia Exceptionum, Replicationum, Duplicationum &c. inutilium, & caliginem, potius, quam lumen, parientium: talis est REG. XLIX. circa Residentiam Episcorum extra casus necessitatis, vel utilitatis, eorum absentiam requirentes, quæ justa esse definit, statim atque cessant cause illam excusantes. Nihil est hac in Regula, quod non reducatur ad obligationem residendi extra casus legitimi impedimenti, qui illam suspendunt dumtaxat, quamdiu durant. Methodus hæc exponendi simplex est & perspicua, VIGELIANA autem intricior & obscurior.

Multæ reperiuntur, quæ, nisi restringantur, false sunt: talis est v. gr. Reg. XXIII. dicens, Episcopum novos Census imponere non posse, neque veteres augere: hæc enim vera non est; nisi quatenus id fieret absque justa causa: nam, si novam Parochiam exigat, imponere potest Ecclesiæ Decimas percipienti, onus Portionis Congruæ, quam non solvebat, si vero ea, quam Curato jam constituto solvebat, non sit sufficiens, eam augere potest. Idem est de Reg. XV. ferente, Episcopum non posse eximere Ecclesiæ à subjectione alterius, à qua pendet: nam, si duæ Ecclesiæ sint unitæ, ita, ut una alteri subjecta sit, Episcopus earum unionem dissolvere potest, & tunc cessat dependentia. Idem dicendum de Reg. XXV. in quâ dicitur, Episcopum non debere Cognatis & Amicis suis credere Officia Ecclesiastica: nam, si digniores sint ceteris, antefieri debent. Laudatus autem Textus non prohibet nisi acceptionem Personarum, ex carnali affectu provenientem. REG. XIV. ejusque Exceptio, falsa sunt, si accipiantur in omni suâ extensione: nam falsum est, Episcopum nihil posse sine consensu Capituli; laudatique Textus id non probant; sed potius, esse res quasdam, in quibus solo consilio Capituli indiget, alias vero, in quibus requiritur consensus. Regula tamen dicit, *sine consensu Capituli nihil admittet*: Exceptio eam restringit ad casus, in quibus consuetudo præxim contrariam induxit; Textus autem laudatus ad illam probandum, loquitur solum de aliquot casibus requirentibus solum consilium.

Quædam Regulæ exoleverunt; talis est XLV. dicens, Episcopum non posse uti Dalmaticâ, sine licentiâ Pontificis.

Quædam malè concipiuntur ratione Exceptionis appositæ: talis est XLIII. dicens, Episcopum alienam Parochiam usurpare non debere; casus præscriptionis excipitur; porro, Usurpator nunquam præscribit, obstante scilicet malâ fide. Dicendum erat, Episcopum, qui Parochiam in alterius districtu possidet, eam restituere debere, nisi præscriptio ei patrocinetur.

Prima Quinque Regularum circa Jura & Officia Episcorum erga Monasteria & Monachos, indicat solum Textus de iis prolixè loquentes. Quatuor sequentes reducuntur ad prohibitionem illos vexandi, sive quoad Temporalia, sive quoad Spiritualia. Reliqua Officia circa idem argumentum, aliis in locis observantur, quæ ab Autore indicari debuissent.

QUÆST. IX. circa Officium & Jus Prælati Superioris supplenda negligentia Prælatorum Inferiorum.

Jus, sub negligentia, cæteras Inferiorum Prælatorum culpas complectitur; nempè iniquam repulsam, & pravam electionem.

Autor eorum impotentiam adjicit, duabus superioribus omisis. Quadruplex itaque defectus supplendi di genus; negligentia; repulsa; electio indigna; impotentia. Duo priora supplentur, faciendo quod, per negligentiam, omissum fuerat, vel iniquè denegatum, v. gr. cum providetur Sedi, quam Collato-

res, Electores & Præsentatores ultrà legitimum tempus vacare possunt. Suppletur tertium, cum Bono Ministro traditur locus pravo datus, sic dignam & capacem personam substituendo indignæ & incapaci, cui provisum fuerat. Suppletur quartum, Personæ infirmæ, & ad obeunda munera sua inhabili, Coadjutorem dando.

Quartum suppetit remedium circa casum repulsa, hanc pro concessione accipiendo: Cap. de Suppl. negl. ejus exemplum suppeditat: videlicet Abbatis pro benedicto habiti; cum Episcopus ritè requisitus tribus vicibus, eum non benedit, Jus à Benedictione dispensat, concedendo Abbatii licentiam fungendi suis muneribus, perinde ac si benedictus foret.

QUÆST. X. circa Potestatem, Bona & Privilegia Episcorum & aliorum Prælatorum.

Pleraque Regulæ hujus Questionis exigui usus sunt. Erectio Beneficiorum hodie vigens, eas inutiles, quoad præxim, fecit. Episcopus non habet administrationem Bonorum Ecclesiæfitorum: desit habere portionem Legatorum Piorum: Bona ejus Patrimonialia, separata sunt à Bonis ejus Ecclesiæ: non est hodiè necessarium confidere Inventaria utrorumque: acquisitiones, quas comparat semper ab acquisitionibus Ecclesiæ distinguuntur: reservatio Caularum Episcopalia ad Pontificem, ubique ferè abolevit Canones, qui earum notionem Concilii Provincialibus tribuunt, & qui ad præxim in solâ Galliâ reducuntur, quamvis sæpius iis derogetur: Domus Episcopalis amittit Jus Asyli in multis Regionibus: necessitas illum monendi, priùsq; in Jus vocetur, sublata est.

OBSERVATIONES in CAP. IX. circa Jurisdictionem Prælatorum.

Argumentum, hoc est consequitio Questionis ultimæ Capitis præcedentis; nam Jurisdiction pertinet ad potestatem. Dividitur in Tres Partes; 1. de modo eam acquirendi. 2. Eam tuendi, 3. eam amittendi. Prima & Tertia valde connexæ sunt; unus enim acquirit, quod alius amittit: itaque, ipsæ defectus suos mutuo supplere possunt. Consequenter addi potest vii, per quas acquiritur Jurisdiction, erectio Ecclesiæ inferioris in Episcopatum; unio Ecclesiæ unius Diœceseos, cum Ecclesiâ Diœceseos alterius; Sectio Episcopatus in plures, ejusque erectio in Archiepiscopatum; translatio domicilii ab unâ Diœcesi in aliam, sive peregrinatio ab unâ Diœcesi in aliam propter negotia. His enim mutationibus, Ecclesia in Episcopatum erecta, quæ definit esse obnoxia Jurisdictioni veteris Episcopatus, transit sub Jurisdictionem novi; Ecclesia unita Ecclesiæ alterius Diœceseos, eique subjecta, transit sub Jurisdictionem Ordinarii illius Ecclesiæ; per divisionem prædictam, Episcopus evadens Archiepiscopus, acquirit Jurisdictionem Archiepiscopalem in novos Episcopatus & amittit Jurisdictionem, quam habebat in Parochias sibi quondam subjectas, quæ transit ad novos Episcopos. Diœcesani, qui domicilium in aliam Diœcesim transferunt, illucque Bona sua conferunt, Prælati ejus loci sunt Diœcesani: per Incolumit in alienâ Diœcesi, quamvis cum voto redditus in pristinam, peregrinus fit Diœcesanus posterioris.

Pars Prima, de viis, per quas acquiritur Jurisdiction.

Quod dicitur in Regulâ I. de Electione ad Prælaturam, extenditur ad aliam quamlibet Provisionem: hæc autem viâ Jurisdiction non acquiritur immediatè, sed dignitas, cui illa coharet.

Omnes Exceptiones, quæ leguntur sub Regula II. quæ præscriptionem collocat in fronte viarum, per quas

quas Jurisdictione immediate acquiritur, defumuntur ex defectu conditionum requisitarum ad prescriptio- nem; proinde inutiles sunt; quando enim dicitur, prescriptione acquiri Jurisdictionem, agitur de prescriptione legitimâ.

Titulus, quem, Autor ante Regulas sequentes collocat, significare videtur, eum sermonem de causis acquisitionis Jurisdictionis intermittere. Nihilominus haec Regula ad idem argumentum reducuntur; nam colligit in *Tertia* casus, in quibus Diocesani Suffraganeorum Jurisdictioni Archiepiscopi sunt obnoxii, & hic exercitum Jurisdictionis acquirit in ipsis. Hos causis non debuit colligere, sed rejicere in locum, ubi loquitur de Archiepiscopis & dicere duntaxat, hanc in Regula extare casus, qui Suffraganeorum Diocesanos subiiciunt Archiepiscopi Jurisdictioni, & hunc aliquam in ipsis Jurisdictionem acquirere, quod exercitum. *Quarta* loquitur de Exemptione, que Diocesanos Episcopi subiicit alii Pralati; quia proinde Prelatus hic Jurisdictionem in illos acquirit. Enumeratio Exemptionum ibi instituta, rejici debuit in locum, ubi de Privilegiis agitur. Idem est de eo, quod dicitur in Replicationibus generalibus hujus Regulae, & precedentium, quod reducitur ad causas, in quibus cessat Exemptio, cuius discussio huic loco non congruebat. Satis vausta & gravis est Exemptionum materia, ut seorsim tractaretur: & quidem id praestitimus in speciali Tractatu de *Privilegiis*. REG. V. de Jure dispensandi, argumento est aliena.

Dux Regula circâ modum tuenda Jurisdictionis, loquuntur solum de poenit., quas incurant ii, qui illam impediunt, vel se subiicerent recusant, priores Excommunicationi, posteriores Depositioni sunt obnoxii.

OBSERVATIONES in CAP. X. de Electione Prelatorum.

Secernere debuit id, quod Pralatis Regularibus peculiare est; quos videlicet esse Professos oportet, ut eligantur & eliant. Adjice, etatem XXV. annorum sufficiens, quoad illas Prelatures; Electum indigere consensu Superioris, ad consentiendum Prelatura aliis Ordinis. Quoad Abbatias, extant Regulae speciales in *Cap. 43. de Elec. in 6. Abbates* possunt eligi ad alias Abbatias & Episcopatus; Episcopi autem posculari duntaxat possunt ad alios Episcopatus.

Secernenda quoque erant ea, que Postulationem attinent, ab iis, que Electionem recipiunt; atque ab hac incipiendo, illam ad calcem Tractatus de Electione ejicere oportuerit; quoniam est Electio gratiosa, que, cum dispensatione Superioris indigeat, vocatur *Postulatio*; de ipsa loquendo, rebus tantum ipsi peculiaribus inherendum fuisse, nempe defectibus, qui illam requirunt, vel qui illam excludunt; ejus forme, & numero votorum necessario, cum illa concurrit cum Electione, vel ab hac separatur; effectui postulationis Superiori oblatæ, qui est impedire revocationem ejus. Utrumque praestitimus in Tractatu de Electione. Dispositio ejus, quem hic Autor tradit, luculenta est, fitque in *Quaestiones IX.* videlicet 1. Quis possit eligi. 2. Quis eligere. 3. Per quem Jus illud exerceri possit. 4. Quando; 5. Ubi. 6. Antecedentia Electionem. 7. Modus eam faciendo, & Adjuncta. 8. Ejus Conjectaria. 9. Affinia. *Quaest.* III. V. VI. & IX. duabus aut tribus verbis continentur: *Quaest.* I. II. & VIII. latius patent, & meritò; cum sint longè majoris momenti.

QUAESTIO I.

Prima, loquens de Qualitatibus in Eligendo requisitis, solvi potuisset, per unicam Regulam, & remissionem ad ea, que dicta sunt circâ qualitates requisitas ad Ordines & Beneficia. *Regula* est, Leges, quae illas dotes definint, esse prohibitivas; ejus autem ge-

neris Leges admittere omnes, quoscumque non excludunt: porro, Personæ, quæ excluduntur ab Electio- ne passivæ, eadem sunt, quæ excluduntur ab Ordinibus & Beneficiis; ex nempè, quæ, ratione hujus exclusionis, *Irregulares* vocantur, de quibus locuti sumus minutissime in Tractatu de *Irregularitate* considerata in speciebus suis; quæ non magis ad Ordines pertinent, quam ad Beneficia, in quibus Electio locum habet: nam Pralatæ, quæ sunt electivæ, requirunt Ordines; & Beneficia, quæ verè electiva sunt, eosdem requirunt. Quod dictum fuit de Irregularitate, locum habet quoad omnes Censuras personales, quæ sub hoc respectu cumdem effectum operantur.

Si inter dores ad Ordines requisitas, quædam non requirerentur ad Beneficia electiva; vel, è contra, quædam necessaria essent ad Beneficia hæc, non vero necessaria ad Ordines, quod quidem nos latet, satis fuisset illas observare.

QUAESTIO II.

Principiâ hujus Quaestione Regulae discutiantur, tria, quæ ibi omittuntur, sunt observanda; scilicet 1. Jus eligendi pertinere ad membra Collegii, cui dandum est Caput, aliud ve Membrum substituendum loco defuncti, aut segregati, aut cedentis, aut translati; quod æquissimum est, cum uniuscuiusque ex illis interficit in illa electione. 2. Si quis eorum isto jure caret, id cautum fuisse per aliquam Legem prohibitivam, quæ illum excludit. 3. Cum jus eligendi spirituale sit, oportere, ut omnes, qui suspensi sunt ab hujusmodi jure, vel qui illud in perpetuum amiserunt, vel pro una vice, sint ex iis, quos à jure eligendi Leges excludunt; proinde cum Irregularitas Censura personalis, Excommunicationis Majoris, Suspensionis totalis, aut ab Officio, vel à Muneribus Beneficii, operentur hunc effectum, sequitur, eos, qui aliquâ Irregularitate implicantur, aut Censurâ innondantur, non posse eligere: idem juris est quoad omnes, qui actiones patraverunt eligendi jure ipso facta privantes.

His igitur de causis, omnes Regulae hic ab Autore collecte rediguntur ad aliquod ex observatis Capitibus, & singuli Canones, quos laudat, sunt prohibitivi, vel in verbis, vel in sensu: quantulacumque afferatur attentio, statim id legenti patet; itaque, sufficeret observare, Exceptiones *Regulae I.* loci de iis, qui excluduntur à jure eligendi, & sub hoc respectu, discrepare ab aliis Regulis, quæ illorum mentionem ipsam faciunt: nullum esse ordinem in enumeratione, quæ legitur in utrisque: multa esse, quæ pertinent ad alias Quaestiones; quod enim dicitur de Procuratoribus, pertinet ad *Tertiam*; quod dicitur de Loco, pertinet ad *Quintam*; quod dicitur de Compromisso, pertinet ad *Septimam*: quod dicitur de ammissione juris eligendi, ob Electi- onem persone indignæ, aut incapaci, pertinet ad *Ottavam*: quod dicitur de Devolutione, pertinet ad *Quartam*.

Ad disponendas ordine genuino Personas, quæ excluduntur à jure eligendi, incipere oportet à Populo, sive Laicis, qui hodie sunt prorsus incapaces, ratione sui statutis; tūm pergendum ad Clericos aliarum Ecclesiarum, qui excluduntur, quoniam non sunt ex Collegio; indē, ad Impuberis, qui non habent etatem; deinde ad Personas justæ etatis, quæ non habent Ordinem requisitum; tūm ad eos, qui habentes qualitatem utramque, sunt absentes, & Procuratores non nominarunt; Indē transeundum ad eos, qui aliquâ Censurâ, aut Irregularitate innondantur; & quorum jus propteræ suspenditur, denique ad Collegium, quod jus suum amisit, vel propter Electionem tempore legitimo neglectam, vel propter Electionem Personæ indignæ, ratione Morum, vel ignorantiae, aut incapaci, ratione defectum suorum, non criminalium, vel quia jus suum in alios trans-